

摘藻堂四庫全書薈要

史部

欽定四庫全書薈要

史部

御批歷代通鑑輯覽卷八十五



詳校官原任主事_臣李斯咏

欽定四庫全書薈要卷七千五百三十八

御批歷代通鑑輯覽卷八十五

宋

高宗皇帝



紹興二年

金天會十年

春正月復賢良方正直言極諫科

韓世忠拔建州范汝為自焚死

世忠聞汝為入建州曰建居閩嶺上流賊沿流而下

七郡皆血肉矣急率步卒三萬水陸並進直抵鳳凰

山一名茶山在建寧府建安縣東

五日破之汝為自焚死斬其二弟

岳吉以徇擒其謀主謝嚮施達及裨將陸必彊等五

百餘人

世忠初欲盡誅建民李綱自福州馳見世忠曰建民多無辜世忠乃令軍士駐城上聽民

自相別農給牛穀商賈弛征禁脇從者汰遣獨取附賊者誅之民感更生家為立祠捷聞帝曰雖古名將何以加世忠因進討江西湖廣諸盜

帝如臨安

從呂頤浩之請也

二月以李綱為湖廣宣撫使

置御前忠銳軍

分降盜崔增李捧邵青趙延壽李振單德忠徐文彦

武萊州
掖縣人

等所部兵為七將名御前忠銳軍隸步軍司

非樞密奉旨不許調遣

徐文勇力過人揮刀重五十斤所向無前衆呼為徐大刀

以功為沿海水軍都統制諸將忌之譖其將叛朝廷遣兵襲之文遂以所部海舟及官軍自明州浮海抵

鹽城降

于劉豫

帝初御講殿

自播遷以來經筵久輟至是復之

桑仲以羣盜就撫授官後尚屢為寇據其請合兵收復京師固難必其果由忠悃呂頤浩遽從而假以節制殊為輕率霍明疑其謀逆誘而殺之旋亦被害無以証仲與明之孰為曲直蓋史于仲有過予之詞果何所據而云然耶

三月桑仲請合諸鎮兵復中原許之知郢州霍明襲殺仲仲將李橫擊明走之

仲上疏願協力收復京師乞朝廷舉兵為聲援呂頤浩信之乃命仲節制軍馬復劉豫所陷州郡仍命翟

興解潛王彥陳規

字元則密州安邱人

孔彥舟王亨等諸鎮撫

使相為應援仲至郢州調兵知郢州霍明疑仲有逆謀誘而殺之襄鄧統制李橫擊走明復其州

河南鎮撫使翟興為其下所殺詔以其子琮代之

劉豫將遷汴以興屯伊陽山憚之遣蔣頤持書誘興
以王爵興斬頤而焚其書豫復陰啗興裨將楊偉以
利偉遂殺興攜其首奔豫興在河南累年軍少食乏
而能激以忠義士莫不自奮金人畏之諸陵得不侵
犯及死詔以其子琮嗣職

夏四月以翟汝文

字公巽
丹陽人

參知政事

初汝文知密州秦檜為州文學汝文薦其才故檜引

以輔政

汝文雖為檜所薦然性剛不為檜屈至
對案相詬目檜為金人奸細未幾即罷

詔呂頤浩都統江淮荆浙諸軍事開府鎮江

頤浩信桑仲之言屢請出師身自督軍北向秦檜因
諷人言周宣王內修外攘故能中興今二相宜分任
內外于是帝諭頤浩及檜曰頤浩治軍旅檜理庶務
如種蠡分職可也乃命頤浩開府鎮江

頤浩辟文武士七十餘人

以神武後軍及御前忠銳崔增趙延壽二軍從行韓
世忠張俊劉光世岳飛王玠楊沂中等皆隸焉已而
頤浩次常州趙延壽兵叛于呂城犯金壇殺知縣胡
思忠頤浩聞桑仲死已悔出師及延壽叛遂稱疾不
進王德追延壽至建平誅之頤浩尋召還行在呂
城鎮名在鎮江府丹陽縣東南金壇唐縣今屬鎮江

府建平宋縣
今屬廣德州

劉豫徙居汴

豫至汴尊其祖考為帝置于宋太廟是日暴風捲旂

屋瓦皆振士民大懼

豫分置河南汴京淘沙官兩京塚墓發掘殆盡賦斂煩苛民不

生聊

岳飛追曹成大敗之成走邵州

成既陷道州復陷賀州帝命岳飛權荆湖東路安撫

都總管付金字牌黃旗招成成聞飛至驚曰岳家軍

來矣即遁飛追至賀州力戰大破之成乃自桂嶺

即古

萌渚嶠五嶺之第

四嶺也注詳前置砦至北藏嶺

與下蓬頭嶺俱桂嶺之支

連控

隘道以衆十餘萬守蓬頭嶺飛部纔八千人一鼓登

嶺破其衆成奔連州

唐置今隸廣東

飛謂部將張憲徐慶王

貴曰成黨散去追而殺之則脇從者可憫縱之則復

聚為盜今遣若等誅其首而撫其衆慎勿妄殺累上

保民之仁于是憲自賀連慶自邵道貴自彬桂招降

者二萬與飛會連州進討成走入邵州

金以尼瑪哈為都元帥烏珠副之

五月以權邦彥簽書樞密院事

邦彥獻圖中興十議遂有是命

邦彥與政碌碌無所建明常助呂頤浩以

排李綱士論少之未踰年卒

育太祖後子偁之子伯琮于宮中賜名瑗

元懿太子卒帝未有後范宗尹嘗造膝請建太子帝

曰太祖以神武定天下子孫不得享之遭時多艱零

落可憫朕若不法仁宗為天下計何以慰在天之靈

于是詔知南外宗正事令廣選太祖後將育宮中

上會

虞縣丞婁寅亮上書曰先正有言太祖舍其子而立弟此天下之大公周王薨章聖取宗室育之宮中此天下之大慮仁宗感悟其說召英宗入繼大統文子文孫宜君宜王遭罹變故不斷如帶今有天下者獨陛下一人而已屬者椒寢未繁前星不耀孤立無助有識寒心天其或者深戒陛下追念祖宗公心長慮之所及乎崇寧以來諛臣進說獨推濮王子孫以為近屬餘皆謂之同姓遂使昌陵之後寂寥無聞僅同民庶藝祖在上莫肯顧歆此金人所以未悔禍也望陛下于伯字行內選太祖諸孫有賢德者視秩親王俾牧九州以待皇嗣之生退處藩服庶幾上慰在天之靈下繫人心之望書奏帝讀之大感歎周王事

見前婁寅亮字
少明永嘉人

至是選秦王德芳五世孫左朝奉大

夫子偶之子伯琮入宮命張婕妤鞠之生六年矣尋

以伯琮為和州防禦使賜名瑗

其後吳才人亦請于帝乃復取秉義郎子

彦之子伯玖命才人鞠之亦太祖後也尋賜名璩

張浚以劉子羽知興元府

時吳玠戍河池

注見前

王彦戍金州二鎮皆饑興元帥

臣閉糴玠彦皆願得子羽守漢中浚乃承制拜子羽為經畧使知興元通商輸粟二鎮遂安

韓世忠招曹成降之

世忠既平范汝為旋師永嘉若將休息者忽由處信
至豫章連營江濱數十里羣賊不虞其至大驚世忠
因使董敗招成成方為岳飛所追乃率衆降得戰士
八萬遣詣行在

六月頒戒石銘于州縣

以黃庭堅所書戒石銘頒于州縣令刻石文曰爾俸
爾祿民膏民脂下民易虐上天難欺

秋八月召朱勝非兼侍讀胡安國罷

帝初即位召安國為給事中黃潛善惡之遂罷潛善去復召為中書舍人兼侍讀安國因上時政論二十

一篇

畧言保國必先定計定計必先建都建都擇地必先設險分土必先制國制國以守必先恤民

夫國之有民猶人之有元氣不可不恤也除亂賊選縣令輕賦斂更弊法省官吏皆恤民事也而行此有道必先立政立政有經必先覈實而後賞罰當賞罰當而後號令行人心順從惟上所命以守則固以戰則勝以攻則服天下定矣然欲如此願人主志尚如何耳尚志所以立事也正心所以決事也養氣所以制敵也宏度所以用人也寬隱所以論入改給事中明德也具此五者帝王之能事畢矣論入改給事中入對帝曰聞卿大名渴于相見何為累召不至安國

安國能劾滕非
之罪而不能察
秦檜之奸雖事
後之是非易明
先機之得失難
料或可寬其責

辭謝居旬日再見以疾力求去帝曰聞卿深于春秋
方欲講論遂以左氏傳付安國點句正音安國言春
秋經世大典見諸行事非空言比方今思濟艱難左
氏繁碎不宜虛費光陰耽翫文采莫若潛心聖經帝
善之命魚侍讀專習春秋先是秦檜欲傾呂頤浩而
專政乃多引知名士布列清要以自助安國嘗聞游
酢論檜人材可方荀文若故力言檜賢于張浚諸人
及頤浩自常州還憾檜欲去之問計于席益益曰目

儻然以所聞游酢可方荀彧之言而論亦不宜輕為稱許夫或身位曹魏篡謀後難以言見忤而死豈能贖其從逆之罪檣杆縱使相方亦何足取乃安國力與其賢徒受黨魁之目此不得謂為虛聲所誤也迂儒評薦人材每多偏執阿好又不幸為小

為黨可也今黨魁胡安國在瑣闥宜先去之會頤浩

薦知紹興府朱勝非代已都督帝從之命下安國奏

勝非與黃潛善汪伯彥同在政府緘默附會馴致渡

江專用張邦昌結好金國淪滅三綱天下憤鬱及正

位冢司苗劉肆逆貪生苟容辱逮君父今強敵憑陵

叛臣不忍用人得失繫國安危深恐勝非上誤大計

帝為罷都督之命改兼侍讀安國復持錄黃不下頤

浩特命檢正黃龜年

字德卿福州人

書行安國言有官守者

人所愚遂致失
足難救楊時之
于蔡京亦猶是
也

不得其職則去臣今待罪無補既失其職當去甚明
況勝非既臣論列之人今朝廷乃稱勝非處苗劉之
變能調聖躬昔公羊氏言蔡仲廢君為行權先儒力
排其說蓋權宜廢置非所施于君父春秋大法尤謹
于此建炎之失節者今雖特釋而不問又加進擢習
俗既成大非君父之利臣以春秋入侍而與勝非為
列有違經訓遂卧家不出願浩勸帝降旨曰安國屢
召偃蹇不至今始造朝又數有請初論勝非不可同

都督及改命經筵又以為非豈不以時艱不肯盡瘁

乃欲求微罪而去其自為謀則善如國計何落職提

舉仙都觀秦檜三上章留之不報侍御史江躋

字元壽衢

州常山人

左司諫吳表臣

字正仲永嘉人

論勝非不可用安國不

當責于是與張燾

字子公饒州德興人考宋有兩張燾一字景元神宗時給事中一即

此

程瑀

字伯寓饒州浮梁人

胡世將

字承公馬陵人

劉一止

字行簡歸安人

林

待聘樓炤等二十餘人皆坐檜黨並落職罷官臺省

為之一空

以孟庾同都督江淮荆浙諸軍事

秦檜免榜其罪于朝堂

先是起居郎王居正

字剛中揚州人

與秦檜善及檜執政與

居正論天下事甚銳既相所言皆不酬居正疾其詭
言于帝曰秦檜嘗語臣中國之人唯當著衣啗飯共
圖中興臣時心服其言檜又自謂為相數月必聲動
天下今為相設施止是願陛下以臣所言問檜所行
檜聞而憾之出居正知婺州及胡安國罷呂頤浩諷

河北人歸金中原人歸劉豫劉宋之所歸有幾檜此策不復心存宋室罪已當誅且以叛逆僭竊之豫公然視為與國其心尤不可問高宗能燭其奸而正斥之尚非闇于事理者乃方罷斥示不復用未數年輩代張浚相位即有秦檜何如之問其心固

侍御史黃龜年劾檜等專主和議沮止國家恢復遠

圖且植黨專權漸不可長乃罷檜相仍榜朝堂示不

復用

初檜所陳二策欲以河北人還金中原人還劉豫帝曰檜言南人歸南北人歸北朕北人將安

歸檜語乃塞至是帝召直學士院綦崇禮語以是事及居正所言崇禮即以帝意載于制辭播告中外人

始知檜之姦綦崇禮字叔厚高家人

彗星見赦求直言

九月韓世忠大敗劉忠于蘄陽

今蘄州是本蘄春晉改名後雖復舊並得蘄陽

之稱猶壽春之燕稱壽陽也忠走降劉豫

未嘗果于惡稽
故旋復柄用聽
其誤國而不悔
總由和議之說
深中高宗隱微
遂不肯終于擯
棄則一時之榜
罪朝堂第為衆
議所迫而非其
本懷耳

世忠自豫章移師討劉忠駐兵岳州之長樂渡

在岳州府

平武縣西

大敗之忠走淮西尋以衆數萬據白面山營柵

相望世忠至與賊對壘奕棋張飲堅壁不動衆莫能

測一夕與蘇格聯騎穿賊營候者訶問世忠先得賊

軍號隨聲應之周覽以出喜曰此天賜也夜伏精兵

三千于山下與諸將拔營而進賊方迎戰伏兵已馳

入中軍奪望樓植旗蓋傳呼如雷賊回顧驚潰世忠

麾將士夾擊大破之忠走降豫

宋史世忠傳作斬忠首與本紀不同今從

本紀又解元傳元周覽賊若得其形勢歸告世忠世忠遣元以兵薄賊賊衆莫支遂平與世忠傳互異今從世忠傳解元字善良保安軍人

王倫還自金

倫既被留久之尼瑪哈使烏凌阿思謀見倫語及契丹時事倫久困懷歸倡為和議謂思謀曰海上之盟兩國約為兄弟萬世無變雲中之役我實饋師贊成厥功上國之臣嘗欲稱兵南來先大聖惠顧盟好不許厥後舉兵以禍吾國果先大聖意乎況亘古自分

南北主上恭勤英俊並用期必復古盍思久遠之謀
歸我二帝太母復我疆土使南北赤子無致塗炭亦
足以慰先大聖之靈幸執事贊之思謀沉思曰君言
是也歸當盡達之已而尼瑪哈至曰比上國遣使來
問其意指多不能對思謀傳侍郎語欲議和決非江
南情實特侍郎自為此言耳倫曰使事有指不然來
何為哉人定者勝天天定者亦能勝人惟元帥察之
尼瑪哈不答及是尼瑪哈忽至館中與倫議和縱之

歸報倫至入對言金人情偽甚悉帝優獎之時方議
討劉豫和議中格久之乃以潘致堯為通問使復如
金

復以朱勝非為尚書右僕射同平章事兼知樞密院事
以王似為川陝宣撫處置副使

張浚在關陝三年訓新集之兵當方張之敵以劉子
羽為上賓任趙開為轉運擢吳玠為大將子羽慷慨
有才畧開善理財而玠每戰輒勝西北遺民歸附者

衆故關陝雖失而全蜀安堵且以形勢牽制東南江
淮亦賴以安朝廷疑浚殺趙哲曲端為無辜任子羽
開玠為非是乃以似為副使浚始不安

金耶律伊都謀反伏誅遂大殺遼宗室

冬十月遣官祫享于溫州

十一月王彥復秦州

彥守金州數立奇功以捍蜀桑仲既死劇盜王闢董
貴祁守忠等悉阻兵窺蜀彥皆擊平之至是敗劉豫

將郭振于白石鎮

在秦州清水縣西北亦曰白石堡

復秦州張浚承

制以彥節制商虢陝華州軍馬

十二月罷湖廣宣撫使李綱

綱至潭州湖湘羣盜先後就降綱上言荆湖自昔用武之地今朝廷保有東南制馭西北當于鼎澧荆鄂皆宿重兵使與四川襄漢相接乃有恢復中原之漸會呂頤浩言綱縱暴無善狀而諫官徐俯劉斐亦劾綱遂罷提舉崇福宮

宋自王安石蔡京相繼言利橫

征重歛民不聊

生邦本因而不

固高宗親見閭

閭疾苦定為差

役法思欲與民

休息曾幾何時

復有月椿之取

百姓方凋敝已

極區區免役小

惠元氣豈能遽

復旋即加之殿

前其何以堪況

彼時陞餘東南

半廢尚使其罹

初取江浙湖南月椿錢

呂頤浩朱勝非以軍用不足議令漕臣計月椿辦大

軍錢物謂之月椿錢

其錢許取經制錢充數不足取上供錢又不足取諸司封椿錢

又并添酒錢贍軍酒息錢常平錢淨制錢諸案名皆許移用惟茶鹽錢不得用

當時漕司不

量州軍之力一例均科既有偏重之弊又所椿不給

十之一二一月未畢而後月之期已逼于是郡邑多

橫賦大為東南民患

召張浚知樞密院事

于塗炭更安望
能復侵地以保
遺黎願浩輩謀
國不滅罪固無
可也誅高宗明
知而復蹈之亦
獨何耶

浚聞王似來上疏求解兵柄且論似不可任呂頤浩
不悅朱勝非又以宿憾日短浚故召之而以盧法原
為川陝宣撫副使與王似同治司事

癸丑 三年

金天會十一年

春正月李橫舉兵侵金復潁昌府

橫屢敗劉豫及金兵詔以橫為襄陽府鄧隨郢州鎮
撫使

詔春秋望祭諸陵

二月劉子羽吳玠兵潰于饒風關

在興安州石泉縣西

金人入興

元子羽玠還擊破之

金人久窺蜀以吳璘駐兵和尚原扼其衝不得逞將

出奇取之乃以叛將李彥琪駐秦州睨仙人關

在漢中府

鳳縣西南以綴吳玠河池之師復令游騎出熙河以綴關

師古

時師古新復熙鞏諸州

薩里罕自商於直擣上津

隋縣故城在今

鄖陽府鄖陽縣

攻金州王彥以三千人迎敵而敗退保石泉

薩里罕遂乘勝而進長驅趨洋漢劉子羽聞王彥敗

亟命田晟守饒風關而遣人召吳玠入援玠自河池

日夜馳三百里至饒風以黃柑遺金將曰大軍遠來
聊用止渴薩里罕大驚以杖擊地曰爾來何速耶遂
悉力仰攻一人先登二人擁後先者既死後者代攻
玠軍弓弩亂發大石推壓如是者六晝夜死者山積
金乃更募死士由間道自祖溪關

在饒風關北

入繞出玠

後乘高以闕饒風諸軍不支遂潰金入洋州玠邀子

羽去子羽不可而留玠同守定軍山

注見前

玠難之遂

退保西縣

注亦見前

子羽亦焚興元退保三泉薩里罕遂

入興元至金牛鎮

本唐金牛縣後廢為鎮在今漢中府沔縣西南

四川大震

子羽從兵不滿三百與士卒取草芽木甲食之遺玠書訣別玠得書未有行意其愛將楊政大呼軍門曰節使不可負劉待制不然政輩亦舍節使去矣玠乃間道會子羽

楊政字制夫原州臨涇縣人

子

羽邀玠共守三泉玠曰關外蜀之門戶不可輕棄復

往守仙人關子羽以潭毒山

在沔縣西南

形斗拔其上寬

平有水乃築壁壘方成而金人已至距營十數里子

羽據胡床坐壘口諸將泣告曰此非待制坐處子羽

曰子羽今日死于此金人尋亦引去

時張浚欲移守潼川子羽遺書

言已在此金人必不南渡乃止金兵由斜谷北去子羽謀邀之于武休不及武休闖名在鳳縣東南

薩里罕既至鳳翔遣十人持書招子羽子羽皆斬之而縱其一還曰歸語爾帥欲來即來吾有死爾何可招也初子羽聞有金兵預徙梁洋之積及金人深入饋餉不繼殺馬及兩河所僉軍士以食而子羽玠因腹背要擊之死傷十五六疫癘且作乃引衆還子羽玠因出師掩其後金人墮溪澗死者不可勝計盡棄輜重而走餘兵不能自拔者悉降子羽遂還興元金

人始謀本謂玠在西邊故涉險東來不虞玠馳至雖

入三州而得不償失

未幾王彥復金州金人遂棄均房

三月李橫傳檄收復東京劉豫以金人來戰于牟駝岡
橫師敗績潁昌復失

橫軍本羣盜無紀律勝則爭取子女玉帛故至于敗
夏四月劉豫將董震以虢州來歸李成復寇陷之

成欲降統制謝臯

開封人

臯指腹示之曰此吾赤心也

自剖其心以死

五月以韓肖胄

字似夫琦曾孫

簽書樞密院事遣使金

潘致堯還言金欲再遣重臣以取信遂寢出師之議

而遣肖胄及胡松年

字茂老海州懷仁人

往金議和至齊劉豫

欲以臣禮見肖胄無以應松年曰均為宋臣遂長揖不拜豫不能屈

詔李橫等班師還鎮禁邊兵侵齊

以與金議和也仍禁諸路招納淮北及中原人來歸者

六月岳飛討江廣羣盜悉平之

時虔吉盜連兵寇掠循海廣惠英韶南雄南安建昌

邵武

宋軍名今福建邵武府是餘注俱見前

汀諸州帝專命飛平之飛

至虔固石洞

固石山洞也在虔都縣北

賊彭友悉衆

至虔都迎戰躍馬馳突飛揮兵即馬上擒之餘黨退

保固石洞洞高峻環水止一徑可入飛列騎山下令

皆持滿黎明遣死士疾馳登山賊衆亂棄山而走騎

兵圍之賊呼丐命飛令勿殺受其降因授徐虔等方

畧捕諸郡餘賊皆破降之初帝以隆祐太后震驚之
故密令飛屠虔城飛請誅首惡而赦脇從帝許焉虔
人感其德繪像祠之及入見帝手書精忠岳飛四字
製旗以賜之

秋七月復置博學宏詞科

八月翟琮棄軍奔襄陽劉豫遂陷伊陽

劉豫盡有梁衛之地琮不能孤立乃棄伊陽突圍奔
襄陽

沂王桡有罪金人殺之

桡與駙馬劉文彥告二帝謀變金人按問無狀桡等
被誅

九月呂頤浩免

桡身為俘繫國難責其誓志枕戈而值邦家傾覆亦當懷生還故國之念乃無端告變國害又兄金人按問而正其罪深合春秋亂臣賊子之誅不特為宋族除累挽而已也然宋族顛沛流離至此而尚有操室中之戈者則其心欺人而從可知矣非蔽

頤浩屢請興師復中原謂太祖取天下兵不過十萬
今有兵十六七萬矣然自金人南牧莫敢撓其鋒比
年韓世忠張浚陳思恭張崇屢奏人有戰心天將悔
禍又金人以中原付劉豫三尺童子知其不能立國

欽之罪其誰之
罪乎

願膚斷早定決策北向況今之精兵皆中原人恐久
而消磨他日難以舉事帝方主和議不從至是以水
旱不時蘇湖二州地震下詔罪已求言頤浩連章待
罪帝一日謂大臣曰國朝四方水旱無不上聞近蘇
湖地震泉州大水輒不以奏何也會侍御史辛炳字如

晦候
官人

殿中侍御史常同

字子政
臨邛人

論頤浩過惡遂罷為

鎮南節度使提舉洞霄宮

頤浩有膽畧善弓馬當國
步艱難之日人倚為重然

其再相也胡安國勸其法韓忠獻以至公
無我為先報復恩讐為戒頤浩不能用

以劉光世韓世忠為江東兩浙宣撫使王瓚岳飛為荆
湖江西制置使分屯沿江諸州

時諸將擁重兵而無分地劉光世在鎮江月費至二
十萬緡每聞易鎮則設辭不奉詔有急復遷延以避
朝廷無如之何故命四人易鎮光世為江東淮西宣
撫使屯池州世忠為淮南東路宣撫使屯鎮江瓚為
荆湖制置使屯鄂州飛為江南西路制置使屯江州
冬十月李成陷京西諸郡

成陷鄧州復陷襄陽據之李橫奔荆南知隨州李道
及郢州李簡俱遁

十一月復元祐十科取士法

從朱勝非之言也

金烏珠破和尚原

于是宣撫司分陝西之地自秦鳳至洋州以利州制
置使吳玠主之屯仙人關金房至巴達鎮撫使王彥

主之屯通州

今四川達州本西魏通州宋改達
州通川郡此云通州蓋通川之誤

文龍

至威茂統制劉錡主之屯巴西洮岷至階成統制關
師古主之屯武都

十二月韓肖胄偕金使來

帝自即位屢遣使如金多見拘留而金未嘗遣一介
報聘至是尼瑪哈使李永壽王翊來請還劉豫之俘
及西北士民之在南者且欲畫江以益劉豫與秦檜
前議脗合識者益知檜與金人共謀矣殿中侍御史
常同言先振國威則和戰常在我若一意議和則和

戰常在彼靖康以來分為兩事可為鑒戒帝因語及
武備曰今養兵已二十萬有奇同曰未聞二十萬兵
而畏人者也帝不聽復遣樞密都承旨章誼字宜叟
浦城人
為金國通問使請還兩宮及河南地肖胃與朱勝
非不合尋罷
甲寅四年金天會
十二年春三月吳玠吳玠與金烏珠戰于仙人
關大敗之

先是璘守和尚原饋餉不繼玠慮金人必復深入且
其地去蜀遠乃命璘別營壘于仙人關右名曰殺金

平移兵守之至是烏珠薩里罕劉夔帥步騎十萬由

和尚原進攻仙人關自鐵山

注見前

鑿崖開道循嶺東

下玠以萬人守殺金平以當其衝璘自武階路入援
先以書抵玠謂殺金平之地濶遠前陣散漫後陣阻
隘宜益修第二隘示必死戰然後可以必勝玠從之
急治第二隘璘冒圍轉戰七晝夜始得與玠會于仙
人關金人首攻玠營玠擊走之又以雲梯攻壘壁楊
政以撞竿碎其梯以長矛刺之諸將有請別擇地以

守者璘拔刀畫地謂諸將曰死則死此退者斬金軍
分為二烏珠陣于東韓常陣于西璘率銳卒介其間
右繞左縈隨急而後戰戰久璘軍少憊急屯第二隘
金生兵踵至人被重鎧鐵鉤相連魚貫而上璘以駐
隊矢迭射天下如雨死者層積金軍踐而登薩里罕
駐馬四視曰吾得之矣翌日金攻西北樓姚仲登樓
酣戰樓傾以帛為繩挽之復正金人用火攻樓仲以
酒缶撲滅之玠即遣統領田晟以長刀大斧左右擊

明炬四山震鼓動地明日大兵出統領王喜王武率
銳士分紫白旗入金營金陣亂奮擊射韓常中左目
金人始宵遁玠遣統制官張彥刼橫山砦王浚伏河
池扼其歸路又敗之是役也烏珠以下皆攜妻孥來
劉夔乃劉豫腹心本謂蜀可圖既不得逞度玠終不
可犯乃還據鳳翔授甲士田為久留計自是不輕動
矣

以趙鼎參知政事

張浚富平之敗
心雖可原然失
律之罰不可違
也至劉子羽以
參軍校其間
既諫浚于未戰
之前及浚屢欲
退適皆以子羽

鼎既輔政與簽書樞密院事徐俯議不合俯尋罷朱
勝非薦胡松年代之

召孟庾還罷都督府以其兵屬張浚

張浚至臨安罷為資政殿大學士居之福州

浚雖被召以劉子羽等軍敗秘其事未行及是浚至

臨安中丞辛炳與殿中侍御史常同等劾浚喪師失

地跋扈不臣遂落職奉祠福州居住安置劉子羽於

白州

唐置今廣西鬱
林州博白縣是

浚即日行詔以王似為川陝宣

之言而止饒風之役亦不為無功朝議因其與浚同事並徙貶逐殊失黜陟之平且其前後參畫朝廷皆未之聞乎

撫使盧法原吳玠副之法原尋卒

夏四月關師古兵敗降于劉豫

師古遣兵拔金寨數十金人大衄至是慕洧與金人

合兵攻之師古戰不勝遂以洮岷二州降豫

續綱目作降金

考師古後為劉豫將入寇是降豫非降金也今依宋史改輯

以范冲

字元長祖禹子

直史館重修神宗哲宗實錄

先是隆祐太后生辰置酒宮中從容謂帝曰宣仁太

后之賢古今母后未有其比昔姦臣肆為謗誣雖嘗

下詔明辨而國史尚未刪定豈足傳信吾意在天之
靈不無望于帝也帝悚然至是召沖直史館重修神
宗哲宗實錄沖乃為神宗考異明示去取舊文以墨
書刪去者以黃書新修者以朱書世號朱墨史又為
哲宗辨誣錄由是二史得其正而姦臣情狀益著
其後
論誣誣罪追貶
章惇蔡卞等官

五月以岳飛無荆南制置使

時楊太與劉豫通欲順流而下李成既據襄陽又欲

自江西陸行趨浙與太會帝命飛為之備朱勝非言
襄陽國之上流不可不急取飛亦奏襄陽等六郡為
恢復中原基本今當先取六郡以除心膂之病李成
遠遁然後加兵湖湘以殄羣盜帝以語趙鼎鼎曰知
上流利害無如飛者除飛兼荆南制置使飛渡江中
流顧幕屬曰飛不擒賊不涉此江

秋七月岳飛復襄陽等六郡

先是飛至郢偽齊將京超號萬人敵垂城拒飛飛鼓

衆而登超投崖死飛復郢州遂趨襄陽李成迎戰左
臨襄江飛笑曰步兵利險阻騎兵利平曠成左列騎
江岸右列步平地雖衆十萬何能為舉鞭指王貴曰
爾以長槍步卒擊其騎兵指牛臯曰爾以騎兵擊其
步卒合戰賊馬應槍而斃餘騎皆擁入江步卒死者
無數成夜遁飛遂復襄陽齊人收成餘衆益兵駐新
野飛與別將王萬夾擊大敗之又使牛臯復隨州王
貴張憲復唐鄧州信陽軍襄漢悉平飛移屯德安軍

聲大振捷聞帝喜曰朕素聞飛行軍有紀律未知其

能破敵如此

飛因奏金人所愛惟子女金帛志已驕情劉豫僭偽人心終不忘宋如以精兵

二十萬直搗中原恢復故疆誠易為力襄陽隨郢地皆膏腴苟行營田其利甚厚臣候糧足即過江北勦敵時方重深入之舉而營田之議自是興矣

八月以趙鼎知樞密院事都督川陝荆襄諸軍事

徐俯既去言者謂當國者不知兵乞令參政通知由是鼎為朱勝非所忌除鼎樞密都督鼎辭以非才帝曰四川全盛半天下之地盡以付卿黜陟專之可也

禹此疏論張浚
川陝情事頗得
其平至大將得
專黜陟景為弊
政夫關外便宜
蓋謂施于號令
賞罰藉以勸勵
戎行若進官赴
秩累得自由不
復稟承廟堂則
黜陟之不已勢
且擅操生殺自
昔強藩悍鎮亦
有不因此跋扈
者是跋扈之患
小而侵權之患

鼎條奏便宜後為勝非所抑乃上疏言頃者陛下遣
張浚出使川陝國勢百倍于今浚有補天浴日之功
陛下有礪山帶河之誓君臣相信古今無二而終致
物議以被竄逐夫喪師失地浚則有之然未必如言
者之甚也大抵專黜陟之典受不御之權則小人不
安其分謂爵賞可以苟求一不如意便生觖望是時
蜀士至于醵金募人詣闕訟之以無為有何以自明
故有志之士欲為國立事者每以浚為戒今臣無浚
之功當此重責去朝廷遠恐好惡是非行復紛紛于
聰明之下矣望憫臣孤忠使得展布四體少寬陛下
西顧之憂又言臣所請兵不滿數千半皆老弱所齎
金帛至微薦舉之人除命甫下彈墨已行臣日侍宸
扆所陳已艱難况
在萬里之外乎

遣吏部員外郎魏良臣使金

大鼎所言何未
得其竅要也

初章誼至雲中論李永壽所需三事金人互有可否
獨畫疆一事未定而尼瑪哈答書又約以淮南毋得
屯兵蓋欲畫江以益劉豫誼等還至淮陽為豫所留
以計得免帝嘉勞久之又命良臣奉表通問時金人
已定議出兵而帝未之知也

楊太敗官軍于鼎江

在常德府武陵縣北源出梁山下游至龍陽縣入沅謂之鼎口朗陵

地聞昔有神鼎
出其間故名

詔岳飛移兵討之

先是詔都統制王玠會兵討楊太至是玠遣忠銳統

制崔增等討太子鼎江師敗皆沒太乘大水出兵攻

破鼎州社木寨

在武陵縣東

守將許奎戰沒官軍死者甚

衆于是授飛清遠軍節度使代王瓊討太

飛時年三十二中興

諸將建節未有如飛之年少者

九月朱勝非罷

先是勝非以母喪去位詔起復之會久雨勝非累章

乞免且自論當罷者十一事帝未許侍御史魏矼

字邦

達和州劾其過勝非亦請解官持餘服許之

劉豫使乞師于金遣其子麟入寇

先是金主與尼瑪哈議南侵會烏珠還力言不可曰

江南卑濕今士馬困憊糧儲未豐恐無成功尼瑪哈

曰都監務偷安耳金主以議不合乃止至是劉豫聞

岳飛復裏鄧遂乞師于金金主乃命鄂爾多達蘭調

渤海漢軍五萬以應豫謂烏珠知地險易使將前軍

豫遣其子麟姪猊各將兵會金兵南下騎兵自泗攻

滁步兵自楚攻承州

今揚州府高郵州宋為軍
建炎中改承州尋復舊

以趙鼎為尚書右僕射同平章事兼知樞密院事沈與求參知政事

時邊報驟至舉朝震恐鼎將赴川陝陞辭帝曰卿豈可遠去當遂相朕制下朝士相慶

冬十月詔韓世忠進屯揚州

詔辭懇切世忠感泣曰主憂如此臣子何以生為遂濟師進屯揚州

召張浚于福州

趙鼎力贊高宗親征一洗累年萎靡之習南渡以後差為快舉然車駕未行即有濟否非鼎所知之語則其中本無定見及平江聞捷高宗遂欲渡江決戰又復阻止是雖有親征之名而無親征之實故其功亦僅收得半非若遭淵之數然一往勇斷集

初浚至福州慮金齊必併力窺東南而朝廷已議講

解因上疏極言其狀至是帝思其言會趙鼎勸帝親

征帝從之喻樗

字子才南昌人

謂鼎曰六龍臨江兵氣百倍

然公自度此舉果出萬全乎或姑試一擲也鼎曰中

國累年退避不振敵情益驕義不可更屈故贊上行

耳若事之濟否則非鼎所知也樗曰然則當思歸路

耳張德遠有重望若使宣撫江淮荆浙福建俾以諸

道兵赴闕則其來路即朝廷歸路也鼎然之入言于

事也論者以爲
比之寇準其志
雖同而才力不
逮遠甚若喻構
之慮非萬全及
預思歸路仍書
生畏怯之見其
視頭浩下策相
去蓋無幾耳

帝遂召浚以資政殿學士提舉萬壽觀魚侍讀

韓世忠大敗金人于大儀

鎮名在揚州府甘泉縣西與泗州天長縣接界

追至

淮而還

世忠至揚州使統制解元守承州候金步卒親提騎

兵駐大儀以當金騎伐木為柵自斷歸路會魏良臣

使金過之世忠撒炊爨給良臣有詔移屯平江良臣

疾馳去世忠度良臣已出境即上馬令軍中曰眈吾

鞭所嚮于是移軍向大儀勒五陣設伏二十餘所約

聞鼓即起擊良臣至金軍中金前將軍聶嘒貝勒舊作

聶兒孛堇今改後仿此

問官軍動息具以所見對聶嘒貝勒大

喜引兵至江口距大儀五里別將托卜嘉擁鐵騎過

五陣東世忠傳小麾鳴鼓伏兵四起旗色與金人旗

雜出金軍亂官軍迭進世忠令背嵬軍

北人呼酒瓶為嵬大將之

酒瓶必令親信人員之故韓岳皆取為親隨軍之名當時最號健銳見趙彥衛雲麓漫抄各持長

斧上搃人胷下斫馬足金兵多陷泥淖世忠麾勁騎

四面蹂躪人馬俱斃擒托卜嘉等二百餘人而世忠

所遣董旼亦擊敗金兵于天長之鵝口橋解元至承
州設伏以待又決河以遏之一日十三戰相拒未決
世忠遣成閔將騎士往援復大戰俘獲甚多世忠復
親追至淮金人驚潰相蹈藉溺死者甚衆論者以此
舉為中興武功第一

帝自將禦金次于平江

金齊之兵日迫羣臣勸帝他幸散百司以避之張俊
曰避將安之惟進禦乃可耳趙鼎曰戰而不捷去未

晚也帝因曰朕為二聖在遠屈已議和而彼復肆侵陵朕當親總六師臨江決戰沈與求復力贊之鼎喜曰累年退怯敵志益驕今聖斷親征將士必奮成功可必臣願効區區以圖報國于是以孟庾為行宮留守命百司不預軍旅之務者從便避兵以張俊為浙西江東宣撫使王瓊為江西沿江制置使胡松年詣江上會諸將議進兵劉光世自建康移軍太平州

時光

世與韓世忠有私隙帝命御史魏玘等往諭解之

光世始移軍為援

太平州今安徽太平府是

後

高宗決計親征
趙鼎遂留襄袂
此正可轉之機
諸將聞之自當
奮勵同心力圖
興復乃劉光世
竟遣人諷鼎且
敢云何事為他
人任患視軍國
之重如膜外忽
君臣之義若路
人喪心至此雖
寸斬亦不足以
蔽其罪獨世忠
素以忠誠自勵
揭州濟師大儀

宮自温州泛海如光州光世遣人諷鼎曰相公自入
蜀何事為他人任患韓世忠亦曰趙丞相真敢為者
鼎聞之恐上意中變乘間言陛下養兵十年用之正
在今日若少加退沮即人心渙散長江之險不可復
恃矣帝遂發臨安劉錫楊沂中以禁兵扈從韓世忠
捷奏至帝次平江欲自渡江決戰鼎曰敵之遠來利
在速戰遽與爭鋒非策也且逆豫猶遣其子豈可煩
至尊耶帝乃止及胡松年自江上還云北兵大集然

克捷頓懷敵愾
之心乃亦有趙
丞相真敢為之
語何其與行事
大相刺謬耶

後知鼎之有先見也

十一月詔暴劉豫罪逆于六師

自豫僭逆朝廷以金故至名為大齊至是始聲其罪
以厲六師

以張浚知樞密院事視師江上

浚至見趙鼎執其手曰此行舉措皆合人心鼎笑曰
俞子才之功也復命浚知樞密院事以其盡忠竭節
詔諭中外浚既受命即日赴江上視師時達蘭烏珠

擁兵十萬約日渡江決戰浚長驅臨江召劉光世韓
世忠張俊議事將士見浚勇氣十倍浚既部分諸將
身留鎮江以節度之

十二月金人圍廬州岳飛使牛皐救之金兵敗走

金齊合兵圍廬州守臣仇愈嬰城固守求援于飛飛
遣牛皐徐慶援之皐至遙語金將曰牛皐在此爾輩
胡為見犯衆愕然不戰而潰飛謂皐曰必追之去而
復來無益也皐乃追擊三十餘里金人相踐及殺死

者不可勝計

魏良臣還自金

良臣至金尼瑪哈言當割建州以南王爾家為小國
索銀絹十萬犒軍仍約良臣等再使侍御史魏珏請
罷講和二字以攻守代之飭厲諸將力圖攘敵遂不
復遣

金兵自淮引還

達蘭屯泗州烏珠屯竹塾鎮

在泗州東南路
通天長六合

為韓世

張浚與金交兵動輒敗衄非有先聲可畏烏珠方帥勁旅南下何至聞其來而遽變色思歸乎蓋金兵本因劉豫邀請以出魏道既已不繼又聞太宗病篤故無功而還耳浚後者遂歸為此

忠所扼以書幣約戰世忠遣麾下王愈及兩伶人以橘茗報之且言張樞密已在鎮江烏珠曰張樞密貶嶺南何得乃在此愈出浚所下文書示之烏珠色變遂有歸意會雨雪餽道不通野無所掠殺馬而食蕃漢軍皆怨又聞金主病篤乃夜引還烏珠等既去劉麟劉猷不能獨留亦棄輜重遁帝謂趙鼎曰近將士奮勇爭先諸路守臣亦翕然自効乃朕用卿之力也鼎謝曰皆出聖斷臣何力之有或問鼎曰金人傾國

說不足信也

來攻衆皆洵懼公獨言不足畏何也昂曰敵雖衆然以劉豫邀而來非其本心戰必不力是以知其不足畏也帝語張浚曰趙鼎真宰相天使佐朕中興可謂宗社之幸昂奏金人遁歸尤當博采羣言為善後之

計于是詔宰執議攻戰備禦措置綏懷之方

提舉臨安府洞

霄宮李綱上疏曰陛下勿以退敵為可喜而以大仇未報為可憤勿以東南為可安而以中原未復為可恥勿以諸將屢捷為可賀而以軍政未修士氣未振為可虞議者或以敵馬既退當遂用兵為大舉之計臣竊以為生理未固而欲浪戰以僥倖非制勝之術也今朝廷以東南為根本苟不大修守備先為自固

之計何以能萬全而制敵議者又謂敵人既退當且
保據一隅以求目前之安臣謂祖宗境土豈可坐視
淪陷不務恢復若今歲不征明年不戰使敵勢益張
而吾之所糾合精銳士馬日以耗損何以圖敵唯宜
于防守既固軍政既修之後即議攻討乃為得計其
守脩之宜則先料理東南屏蔽當于淮之東西及荆
襄置三大帥屯全兵以臨之分遣偏師進守支郡加
以戰艦水軍上連下接自為防守則藩籬之勢成然
後可議攻戰之利分責諸路大帥因利乘便收復京
畿以及故都斷以必為之志而勿失機會則以弱為
強取威定亂逆臣可除彊敵可滅若夫萬乘所居必
擇形勢莫若權于建康駐蹕治城池修宮闕立官府
創營壁使粗成規模以待巡幸至于西北之民皆陞
下赤子荷祖宗涵養之深其心未嘗忘宋時制于彊
敵不能自歸宜優加撫循使陷溺之民知所依怙臣
竊觀近年以來所用之臣閒暇則以和議為得計而

以治兵為失策倉卒則以退避為愛君而以進禦為
誤國國勢益弱職此之由今天啟宸衷悟前日和議
退避之失親臨大敵天威所加使北軍數十萬之衆
震怖不敢南渡潛師宵奔則和議之與治兵退避之
與進禦其效槩可見矣然敵兵雖退未大懲創安知
其秋高馬肥不再來擾我疆場使疲于奔命哉且退
避之策可斷而不可常可一而不可再退一步則失
一步退一尺則失一尺往時自南都退至維揚則河
北河東關陝失矣自維揚退至江浙則京東西失矣
萬一敵騎南牧將復退避不知何所適而可乎航海
之策萬乘冒波濤之險此又不可之尤者臣願陛下
自今以往勿復為退避之計夫古者敵國善隣則有
和親仇讐之邦鮮復遣使今金人造釁之深知我必
報其措意為何如而我方且卑辭厚幣屈體以求之
其不推誠以見信決矣器幣禮物所費不貲使輶往
來坐索士氣而又邀我以必不可從之事制我以必

不敢為之謀是和卒不成而徒為此擾擾也臣願自
今以往勿復違和議之使二者既定擇所當為者一
切以至誠為之俟吾之政事修倉廩實府庫充器用
備士氣振力可有為乃議大舉則兵雖未交而勝負
之勢決矣惟陛下正心以正朝廷百官使君子小人
各得其分則是非明賞罰當自然藩方協力將士用
命雖疆敵不足畏逆臣不足憂此特在陛下
方寸間耳疏奏帝賜詔褒諭然卒不能用

乙卯五年

金熙宗 宣統仍稱
天會十三年

春正月乙巳朔日食

召張浚還

浚既還乃命韓世忠屯鎮江劉光世屯太平張浚屯
建康浚嘗以其軍從上行至是始軍于外

金主晟殂兄之孫亶

本名赫拉太祖第二子勝額之子勝額後改名宗峻按哈喇舊作

合刺勝額舊作繩果今改後仿此

立是為金熙宗

初尼瑪哈烏珠等會朝上京

金以會寧府為上京今寧古塔東南有和碩城

即其遺址以阿木班貝勒之位久虛請立太祖之孫哈喇金

主不得已許之赫拉即亶也至是金主殂

廟號太宗葬恭陵後

改葬大房山

亶立

進尊其考豐主勝額為景宣皇帝妣富察氏為惠昭皇后又追帝其先祖函普

曰始祖烏嚕曰德帝巴哈曰安帝綏赫曰獻祖烏古
曰景祖合里博曰世祖頗拉淑曰肅宗英格曰穆
宗烏雅舒曰康宗妣皆為后復定景祖世祖太祖太
宗廟皆不祧按巴哈舊作跋海終赫舊作綏可今

改後
仿此

二月帝如臨安

以趙鼎張浚為尚書左右僕射並同平章事兼知樞密院事都督諸路軍馬

鼎浚相得甚歡人知其將並相史館校勘喻樗獨曰二人宜且同在樞府他日趙退則張繼之立事任人未甚相遠則氣脈長若同處相位萬一不合而去則必更張是賢者自相背戾矣尋命浚如江上議邊防

浚以建康東南都會而洞庭據上流恐楊太滋蔓為害請乘其急討之已而浚視師潭州至醴陵釋邑囚數百皆太謀者給以文榜俾招諭諸若皆謹呼而去于是相率來降醴陵後漢縣今屬湖南長沙府

吳玠復秦州

吳玠聞金侵湖南遣吳璘楊政乘機牽制璘等出奇兵自天水至秦拔其城薩里罕聞秦州被圍集諸道兵來援政復擊敗之

作太廟于臨安

時太廟神主寓温州歲時委守臣薦享司封郎中林

尚察倉皇南渡
興主以行復因
上海留置温州
學士守臣薦享

此實愆禮之大者及臨安規模粗定權立廟以奉蒸嘗不得謂之過舉而當時輒以不復有意中原文章謝奉實為不揣其本而齊其末使高宗果能銳志興復則俟還建舊都再議迎奉亦復何損若徒以建廟為將久居東南則是汴京一日不復廟主

待聘言神主禮宜在都今新邑未奠請考古師行載主之義還之行闕以彰聖孝于是始就臨安建太廟遣太常少卿張銖迎神主奉安帝行款謁禮侍御史張致遠

字子猷南劍州沙縣人

言創建太廟甚失興復大計殿

中侍御史張絢亦言去年建明堂今年立太廟是將以臨安為久居之地不復有意中原不報

閏月置總制司

命戶部尚書章誼措置財用以孟庾提領總制司先

一日不得妄醫
揆之于理又孰
得而孰失乎

是帝在揚州四方貢賦不以期至呂頤浩葉夢得等
言宣和間陳亨伯為陝西轉運使創經制錢大率添
酒價增歲額官賣契紙與凡公家出納每千收頭子
錢二十三文其後行之東南及京東西河北歲入數
百萬緡所補不納今邊事未寧費用日廣請復行之
諸路一歲無慮數百萬計賢于緩急暴歛多矣帝從
之至是又因經制之額增析為總制錢

總制錢實名甚多其數之

可考者如酒務不論上下每升各增五文田宅契稅
之外又得產人出勘合錢十文又凡稅賦畸零如

絹至一寸亦收一尺米至一秒亦收一升之類並今折納又常平錢物舊每貫收頭子錢五文今依諸錢例亦收二十三文又免役歲收錢至七百八十餘萬寬剩錢並令發付行在

緡

夏四月罷諸州鎮撫使

先是陳規守德安七年賊不敢犯召入朝乞罷鎮撫使帝從之不復除至是盡罷

封周後柴叔夏為崇義公

上皇卒于金

遺言欲歸葬內地金主不許時兵部侍郎司馬朴與
奉使朱弁在燕山聞之服斬哀朝夕哭金人義之而
不責洪浩在冷山聞之北面泣血操文以祭其詞激
烈聞者揮涕

史臣曰徽宗之失國也疎斥正士狎近奸諛蔡京以
儂薄巧佞之資濟其驕奢淫佚之志溺信虛無崇飾
游觀君臣逸豫怠棄國政及童貫用事又勤兵于遠
稔禍速亂遂致國破身辱豈得諉諸數哉自古人君
玩物喪志縱慾敗度鮮
不亡者徽宗特甚焉爾

龍圖閣直學士致仕楊時卒

謚文靖

時奉祠致仕優游林泉以著書講學為事及是卒年

八十三

初時為蕭山令博羅主簿羅從彥聞時得程氏之學慨然慕之徒步往學見時三日即驚

汗浹背曰不至是幾虛過一生矣既卒業歸築室山中絕意仕進學者稱為豫章先生延平李侗初從從彥學從彥令于靜中看喜怒哀樂未發前氣象而求所謂中者久之于天下之理該攝洞貫以次融釋從彥甚重之同嘗曰學問之道不在多言但默坐澄心體認天理自見學者稱為延平先生蕭山唐縣今屬浙江紹興府博羅秦縣今屬廣東惠州府羅從彥字仲素李侗字愿中皆南劍州人

五月遣忠訓郎何蘓使金罷中書舍人胡寅

寅上疏言女真驚動陵寢戕毀宗廟剗質二帝塗炭

胡寅謂金常示
欲和之端而宋
坐受其餌曲盡
建炎紹興時事
高宗惟博納諫
之名張浚亦持
模稜之說卒至
使臣紹興而和
議難成豈非溺
于餌而終不悟
哉

生民乃陛下之大讐也自建炎丁未至紹興甲寅卑
辭厚禮以問安迎請為名而遣使者不知幾人矣知
二帝所在見二帝之面得女真之要領因講和而能
息兵者誰歟但見通和之使歸未息肩而黃河長淮
大江相繼失險矣夫女真知中國所重在二帝所恨
在刳質所畏在用兵則常示欲和之端增吾所重平
吾所恨匿吾所畏而中國坐受此餌既久而後悟也
天下其謂自是改圖矣何為復出此謬計邪苟曰姑

為是豈有修書稱臣厚費金帛而成就一姑息之事也苟曰以二帝之故不得不然則前效可考矣况歲月益久敵情益閔必無可通之理也適觀何薜之事恐和說復行國論傾危士氣沮喪所繫不細疏入詔褒諭之會張浚奏言使事兵家機權後將闢地復土終歸于和未可遽絕乃遣薛行寅因乞外知邵州封瑗為建國公就學資善堂

趙鼎請以行宮新作書院為資善堂命建國公聽讀

高宗擇立孝宗
為嗣當時多謂
付托得人蓋以
藝祖後不克享

有天下人心願
有餘憾一旦見

昌陵之裔復繼

大統不覺溢美

任情至以中興

事業推許孝宗

則實過矣孝宗

雖承歡德壽獨

學右文不過蒙

偏安之業端處

晏然而已中原

侵地未能恢復

尺寸而符離之

役任用非人遂

致一敗不振所

謂中興者安在

且薦徽猷閣待制范冲兼翊善起居郎朱震

字子發
荆門軍

人兼贊讀朝論二人極天下之選帝命瑗見之皆設

拜

行統元厯

常州布衣陳得一所造也

六月岳飛大破楊太于洞庭太死湖湘平

飛奉命討太而所部皆西北人不習水戰飛曰兵何

常顧用之何如耳乃先遣使招諭之其黨黃佐曰岳

岳飛退喜之言
美出于史家過
譽不足信也

節使號令如山若與戰萬無生理不如往降節使誠
信必善遇我遂降飛表授佐武義大夫單騎按其部
拊佐背曰子知順逆者果能立功封侯豈足道欲復
遣子歸湖中視其可乘者擒之可勸者招之如何佐
感泣誓以死報時張浚至潭州席益疑飛玩寇欲以
聞浚曰岳侯忠孝人也兵有深機胡可易言益慙而
止黃佐襲周倫砦殺之飛上其功遷武功大夫會朝
旨召張浚還防秋飛袖小圖示浚浚欲俟來年議之

飛曰已有定畫都督能少留八日可破賊浚曰何言

之易飛曰王四廂

謂王
變

以王師攻水寇則難飛以水

寇攻水寇則易水戰我短彼長以所短攻所長是以

難若因敵將用敵兵奪其手足之助離其腹心之托

使孤立而以王師乘之八日之內當俘諸囚浚許之

飛遂如鼎州黃佐招楊欽來降飛喜曰楊欽驍悍既

降敵腹心潰矣表授欽武義大夫禮遇甚厚乃復遣

歸湖中兩日欽說全琮劉說來降飛詭罵欽曰賊不

盡降何來也杖之復遣之是夜掩賊營降其衆數萬
太負固不服方浮舟湖中以輪激水其行如飛旁置

撞竿官舟迎之輒碎飛伐君山木為巨筏塞諸港汊
又以腐木亂草浮上流而下擇水淺處遣善罵者挑
之且行且罵賊怒來追則草木壅積舟輪礙不行飛
急擊之賊奔港中為筏所拒官軍乘筏張牛革以蔽

矢石舉巨木撞其舟盡壞太技窮赴水死

宋史牛皋傳么先舉

鍾子儀投于水繼乃自仆皋投水擒么與此所載不同

飛入賊壘餘酋驚曰何

神也俱請降衆凡二十餘萬飛親行諸砦慰撫之縱

老弱歸田籍少壯為軍果八日而捷音至潭浚嘆曰

岳侯神算也黃誠斬楊太首

牛臯傳飛斬么首函送都督行府與此所載亦

異挾鍾子儀詣浚降湖湘悉平

初太恃其險官軍自陸襲則入湖水攻之

則登岸因曰欲犯我者除是飛來至是人以其言為識云

冬十月張浚還自潭州

浚奏遣岳飛屯荆襄以圖中原乃自鄂岳轉淮東已而帝賜詔召還浚進中興備覽四十一篇帝嘉嘆置

之坐隅

冬十一月徵和靖處士尹焞于涪州

初金人破洛煇闔門被害煇死復甦門人昇至山谷中而免劉豫聘之不從以兵恐之煇自商州奔蜀至

闔得程頤易傳拜受之因止于涪闔三畏齋以居州

人不識其面至是范冲舉以自代

明年煇至建康以疾辭詔赴召入見

命為秘書郎兼
崇政殿說書

以李綱為江西安撫制置大使

張浚薦其忠也

金伐蒙古

蒙古在女真之北唐為蒙兀部亦號蒙骨斯其人勁

悍善戰夜中能視以鮫魚皮為甲可捍流矢

此續綱目所載

皆本大金國志志又云金之初起常假兵于蒙古及得國不償元約由是蒙古遂有怨言

金主命

萬戶呼沙呼

舊作胡沙虎今改按呼沙呼金國志作宋王宗磐考金史呼沙呼大定八年始

先東宮護衛則此伐蒙古者又別一呼沙呼也將兵擊之

久之呼沙呼糧盡而還蒙古追襲之

大敗其衆于海嶺事在紹興九年蒙古舊作萌骨今改

蒙古地廣族繁部落不一我朝中外一統四十凡旗咸備著衛而其外喀爾喀四盟長部分壤錯疆域犁然其在前朝則固各為一國也宋人記載大約得諸傳聞音譯既不免沿訛且以配

字為詆訐于是
萌骨膠帶首骨
蒙兀蒙骨斯諸
名錯見載籍音
清字僻實可鄙
笑宇文懋昭乃
謂金初伐之蒙
古與元之蒙古
為二國相去幾
千里不知今蒙
古諸境延袤且
萬里而遠金初
伐之蒙古史亦
言居金之北與
元之始居陰山
總屬朔漠部族

丙辰六年金天會十四年春二月韓世忠圍淮陽金烏珠救之世

忠還

世忠聞劉豫聚兵淮陽即引軍渡淮旁去聲符離漢縣元省

入宿州今州屬鳳陽府而北至其城下為賊所圍奮戈潰圍而

出不遺一鏃呼延通與金將葉赫貝勒舊作牙合字董今改後仿

此搏戰扼其吭而擒之乘銳掩擊金人敗去遂進兵

圍淮陽賊約受圍一日則舉一烽至六烽具舉烏珠

與劉猊皆引兵至世忠求援于張俊俊以世忠有見

或休其實皆蒙
古耳因證以今
時典屬所司莫
其猥雜之名以
正端而衷于是

世忠淮陽之圍
劉豫勢已窮蹙
反舉六降而救
至張俊近在咫尺即當為犄角
之援共圖收復
乃慮世忠見若
膜視不顧以私
嫌而廢公義乃
心王室者顧當

吞意不從世忠勒陣向敵遣人諭之曰錦衣驄馬立
陣前者韓相公也或危之世忠曰不如是不足以致
敵敵果至殺其導戰二人遂引去世忠復還楚州淮
陽之民從而歸者以萬計

張浚會諸將于鎮江遣張俊屯盱眙韓世忠屯楚州

張浚每稱二人可倚大事故並命之世忠至楚披草
萊立軍府與士卒同力役夫人梁氏親織箔為屋將
士有怯戰者世忠遺以巾幘設樂大宴俾婦人粧以

如是耶張浚尚
謂其可倚大事
與世忠並稱不
能知人而輕于
許可無怪其動
輒傾軋也

恥之故人人奮厲撫集流散通商惠工山陽遂為重鎮

夏六月張浚撫師淮上

浚命劉光世屯合肥以招北軍楊沂中領精騎以佐張俊岳飛屯襄陽以圖中原且謂飛曰此君素志也

先是飛以母喪扶櫬還廬山起復為京湖宣撫使飛累表求終制不許

地震求直言

秋七月以郭浩為永興路經畧安撫使知金州

金州殘弊浩撫輯流亡開營田他軍以匱急仰給朝廷浩獨積贏錢十餘萬緡以給戶部朝廷嘉之

以陳公輔為左司諫

公輔召還為吏部員外郎

上言今日之禍實由公卿大夫無氣節忠義不能維

持天下國家平時既無忠言直道緩急詎肯仗節死義豈非王安石學術壞之耶安石政事壞人才學術壞人心三經字說詆誣聖人破碎大道非一端也春秋正名分定褒貶俾亂臣賊子懼安石使學者不治春秋史漢載成敗安危存亡理亂為世龜鑑安石使學者不讀史漢揚雄不死王莽之篡而著劇秦美新之文安石乃曰合于孔子無可無不可之義馮道事四姓八君安石乃曰善避難以存身使公卿皆師安

石之言宜其無氣節忠義也疏入帝大喜

授左司諫賜三品服已而公輔

復請禁程氏學詔從之

公輔疏言今世取程頤之說謂之伊川之學相率從之狂

言怪語深辭鄙說曰此伊川之文也幅巾大袖高視闊步曰此伊川之行也為伊川之文行伊川之行則為賢士大夫舍此皆非也乞禁止之時方召尹焞頤門人也公輔之意盖有所指云

劉光世復壽春

八月四川都轉運使趙開罷

吳玠為宣撫副使專治戰守于財計不問盈虛一切以軍期趣辦于趙開數以饋餉不繼訴于朝開亦自

劾老憊求去朝廷為之交解乃以席益為制置大使
位宣撫副使上州軍兵馬並隸大使司邊防重事仍
令宣撫司處置益至四川頗侵用軍期錢開復訴于
朝又數增錢引而軍計猶不給朝廷以開益不協乃
召開赴行在而以李迨東平人代之自金人侵陝蜀
徙開封開職饋餉軍用
無乏其後計臣屢易于開經畫無敢變更然茶鹽權
酷奇零絹布之征遂為蜀常賦開作俑之責不能逃
焉益尋以
母喪亦去

以秦檜為行營留守孟庾副之並參決尚書省樞密院

事

張浚奏東南形勢莫重于建康實為中興根本且使人主居此北望中原常懷憤惕不敢暇逸而臨安僻在一隅內則易生安肆外則不足以召號遠近繫中原之心請臨建康撫三軍以圖恢復會諜報劉豫將南寇趙鼎議幸平江帝從之遂命檜庾留守並參決尚書省樞密院事檜自被斥會與金議和稍復其官知温州紹興府又以張浚薦授醴泉觀使兼侍讀至

是漸用事

岳飛復蔡州

飛累戰皆捷遣牛皐復鎮汝軍楊再興復河南長水

縣注見前張浚曰飛措畫甚大今已至伊洛則太行一

帶山砦必有響應者已而忠義社梁興等果歸之飛復及偽齊李成孔彥舟連戰至蔡州克其城

九月帝如平江

岳飛遣兵敗劉豫之衆于唐州上疏請進軍恢復中原

帝不許飛乃還鄂

飛遣王貴郝叟董先復虢州盧氏縣獲糧十五萬石
降其衆數萬會劉豫屯兵唐州飛遣貴等攻破之焚
其營飛因奏進取中原不許于是召貴等引還鄂州

冬十月劉豫使劉麟劉猊分道寇淮西楊沂中等大敗

猊于藕塘

鎮名在鳳陽府定遠縣東

追麟至南壽春

今鳳陽府壽州本秦壽春縣唐

為壽州治五代周顯德中徙州治下蔡因以故治為南
壽春至宋乾道中復還故治置安豐軍元為路明仍改

壽州以
縣省入而還

劉豫聞張浚會諸將于江上榜其罪逆將進兵討之

告急于金請先出師南侵而乞師救援金主召諸將

相議之以博勒郭言

博勒郭曰先帝所以立豫者欲其開疆保境我得安民息兵也

今豫進不能取又不能守兵連禍結愈無休期從其請則豫收其利敗則我受其弊况前年因豫出師嘗不利于江上遂不許豫而遣烏珠提兵黎陽以觀釁矣奈何許之

于是豫僉鄉兵三十萬分三道入寇麟率中路兵由

壽春以犯合肥猗率東路兵由紫荆山

在壽州東北

出渦

口注見前

以犯定遠

蕭梁縣今屬鳳陽府

孔彥舟率西路兵由光

州以犯六安時張浚楊沂中韓世忠岳飛劉光世分屯諸州而沿江上下無兵趙鼎深以為憂移書張浚欲令浚與沂中同保合肥浚以為然乃遣沂中張宗

顏

字希賢
延安人

等分道禦之且令沂中趣濠州

注見前

以與

張俊合因謂沂中曰上待統制厚宜及時立功會邊報日急張俊劉光世皆張大賊勢以聞浚以書戒二將曰賊豫之兵以逆犯順若不勦除何以立國平日亦安用養兵為哉今日之事有進戰無退保及劉麟

進逼合肥趙鼎曰今賊渡淮當急遣張俊合光世之軍盡掃淮南之寇然後議去留帝善之

帝猶慮俊光世不足任用

命岳飛盡以兵東下而手札付俊令俊光世沂中等還保江浚上言若諸將渡江則無淮南而長江之險與賊共之江南其可保乎今正當合兵掩擊可保必勝若一有退意則大事去矣且岳飛一動襄漢有警何所恃乎願朝廷勿專制于中使諸將有所觀望也帝手書報浚曰非卿識高慮遠何以及此由是異議息沂中至濠光世已舍廬州將趣采石淮西大震浚

聞之令呂祉

字安老建陽人

馳往光世軍諭之曰有一人渡

江即斬以徇光世不得已復還廬州與沂中俊等相

應劉猗軍至淮東為韓世忠所阻乃引趨定遠劉麟
從淮西繫三浮橋而渡次于濠壽之間張俊以兵拒
之猗率衆犯定遠欲趨宣化以寇建康沂中以兵進
禦與猗前鋒遇于越家坊

在定遠縣東南

敗之猗恐孤軍深

入為王師所襲乃欲趨合肥與麟合而後進至藕塘
沂中復遇之猗據山列陣矢下如雨沂中急擊之使
統制吳錫率勁兵五千突入其軍猗衆潰亂沂中縱
大軍乘之而自以精騎衝其脇大呼曰賊破矣賊衆

錯愕駭視張宗顏自泗來乘背擊之張俊大軍復與

戰于李家灣

在鳳陽縣南

賊衆大敗橫屍遍野猊以首抵

謀主李愕曰適見髯將軍銳不可當果楊殿前也即

與數騎遁去沂中躍馬叱之餘衆皆怖遂降麟在順

昌聞猊敗亦拔砦去沂中及王德乘勢追麟至南壽

春而還孔彥舟亦解光州圍而去北方大恐金人聞

豫敗來詰其狀始有廢豫之意

已而韓世忠復敗金人于淮陽

西遼耶律達實死

達實死子伊呼舊作夷列今改幼遺命其后蕭氏權國稱制號感天皇后

十二月張浚還自鎮江趙鼎罷

史稱帝謂浚鼎不和必由呂社若譽高宗有先見者然夫三人皆皆其臣也黜陟誰則司之而為此局外之論亦大可鄙矣遂因社離間生嫌固不免意存

初張浚在江上遣參議軍事呂社入奏事所言誇大鼎每抑之帝謂鼎曰他日浚與卿不和必呂社也既而浚因論事語意微侵鼎言臣初與浚如兄弟因呂社離間遂爾睽異今浚成功當使展盡底蘊浚當留臣當去帝曰俟浚還議之及浚還鼎與折彥質請

祖護及其請攻河南請罷劉光世鼎皆不以為然實亦有心立異夫光世罪狀昭著不可云無故而罷且謂得河南而恐金人內侵豈林守臨安轉能保金之不侵乎二人尚具忠愛之忱者而各有所蔽宜其迄無成事也

帝回蹕臨安浚乞乘勝攻河南而車駕幸建康又言

劉光世驕惰不戰請罷其軍政鼎言得河南固易耳

能保金人不內侵乎且光世累世為將將卒多出其

門無故而罷之恐人心不安浚滋不悅而帝多從浚

議鼎求退益力遂罷知紹興府

鼎與浚為相政事先後及人才所當召用

者條而置之座右次第奏行之故列要津者多一時之望人號為小元祐帝嘗親書忠正德文四字及尚

書一帙賜之曰書載君臣相戒飭之言所以賜卿欲共由斯道鼎頓首謝

言所以賜卿欲共由斯道鼎頓首謝

丁巳七年

金天會十五年

春正月以陳與義

字去非洛陽人

參知政事沈

與求同知樞密院事

先是張浚欲復出視師不告同列既得旨與求退曰
此大事而吾不與聞何以居位遂乞祠至是除同知

樞密院事

與求被遇知無不言帝以其淹練通達克己聽納未幾卒

以張浚兼知樞密院事

自元豐改官制樞密院不置使至是復置以浚兼之
何蘄還自金始聞上皇及太后之喪帝成服

何蘄還始知道君皇帝及寧德皇后鄭氏相繼崩帝

成服百官七上表請遵以日易月之制知嚴州胡寅
上疏請服喪三年衣墨臨戎以化天下帝欲遂終喪
張浚言天子之孝不與士庶同必思所以奉宗廟社
稷今梓宮未還天下塗炭願陛下揮淚而起斂髮而
趨一怒以安天下之民帝乃命浚草詔告諭羣臣外
朝勉從所請宮中仍行三年之喪上太上皇廟號曰
徽宗太后尊諡曰顯肅

浚又請命諸大將率三軍發
哀成服俾中外感動退而上

疏曰陛下思慕兩宮憂勞百姓臣每感歎誓殲敵讐
念昔陝蜀之行陛下命臣曰我有大隙于北刷此至

恥惟爾是屬而臣終贖成功使敵無憚今日之禍端
自臣致乞賜罷黜帝詔浚起視事浚再疏待罪不許
時帝遇朔望猶率羣臣遙拜淵聖中丞廖剛言禮有
隆殺兄為君則君之已為君則兄之可也但歲時行
家人禮于內庭從之廖
剛字用中南劍州順昌人

金初用大明歷

司天楊級所造也

二月癸巳朔日食

遣王倫如金

詔以倫為奉迎梓宮使陞辭帝命謂達蘭曰河南之

地上國既不有其付劉豫昌若見歸

三月帝如建康

遥尊宣和皇后韋氏為皇太后

帝嘗謂輔臣曰宣和皇后春秋高朕朝夕思之不遑
寧處屈已講和正謂此爾至是從翰林學士朱震之
請遥尊為皇太后

劉光世免張浚命呂祉節制其軍

光世在淮西素無紀律張浚言其沈酣酒色不恤國

事語以恢復意氣怫然乞賜罷黜會光世引疾請解
兵柄乃拜少師萬壽觀使奉朝請以其兵隸都督府
浚因分為六軍命呂祉往節制之張守曰必欲改圖
須得聞望素高能服諸將之心乃可呂祉不可用也
浚不從

夏四月岳飛乞終養遂還廬山張浚以張宗元監其軍
飛自鄂入見拜太尉繼除宣撫使以王德劄瓊兵隸
之帝謂德瓊曰聽飛號令如朕親行飛見帝數論恢

復之畧疏言金人所以立劉豫蓋欲荼毒中原以中國攻中國彼得以休息觀釁耳臣願陛下假臣月日提兵趨京洛據河陽陝府潼關以號召五路叛將叛將既還遣王師前進豫必棄汴而走河北京畿陝右可以盡復然後分兵濬滑經畧兩河如此則逆豫成擒金人知畏社稷長久之計實在此舉帝曰有臣如此朕復何憂復召至寢閣命之曰中興之事一以委卿飛方圖大舉會秦檜主和議忌之遂不以德瓊兵

隸之必不致變
而系樹以和議
沮其行所失更
不止于控御無
人之患至張浚
論將昧于知人
而昧于料事無
一一辨駁之語
雖齟齬而謀皆
切當且于淮西
之費億度不與
其明識豈浚所
及乃浚竟以飛
言忤意不能相
容而賤其去既
貽家國有損且

隸飛而請詔飛詣張浚議事浚謂飛曰王德淮西軍
所服浚欲以為都統而命呂祉以督府參謀領之如
何飛曰德與酈瓊素不相下一旦握之在上則必爭
呂尚書不習軍旅恐不足服衆浚曰張俊楊沂中如
何飛曰張宣撫飛之舊帥也其人暴而寡謀沂中視
德等耳亦豈能御此軍哉浚艷然曰固知非太尉不
可飛曰都督以正問飛飛不敢不盡其愚豈以得軍
為念哉飛既與浚忤即日上章乞終喪服以張憲攝

叛逆之患復致
大將蒙徑情舍
去之嫌浚實無
所辭咎迫境難
既作而始悟飛
言悔亦晚矣

軍事步歸廬山廬母墓側浚怒遂以張宗元權宣撫

判官監其軍

五月召胡安國提舉萬壽觀魚侍讀未至而罷

張浚薦安國帝召之將行聞陳公輔乞禁程頤之學

乃上疏論之

畧曰孔孟之道不傳久矣自頤兄弟始發明之然後知其可學而至今使學者

師孔孟而禁從頤學是入室而不由戶也夫頤于易因理以明象而知體用之一原于春秋見于行事而知聖人之大用諸經語孟皆發其微旨而知其入德之方則狂言怪語豈其文哉孝弟顯于家忠誠動于鄉非其道義一介不以取予則高視濶步豈其行哉自嘉祐以來頤與兄顥及邵雍張載皆以道德行世

著書立言公卿大夫所欽慕而師尊之及王安石蔡京等曲加排抑故其道不行望下禮官討論故事加之封爵載在祀典仍詔館閣哀其遺書羽翼六經使邪說者不得作而道術定矣

公輔與中

丞周秘侍御史石公揆交章論安國學術頗僻除如永州安國辭遂復與祠

六月岳飛奉詔入朝遂遣還鎮

累詔趣飛還職飛不得已趨朝待罪帝慰遣之

既而張宗

元還言將和士悅人懷忠孝皆飛訓養所致帝大悅飛至鎮奏言比者寢閣之命咸謂聖斷已堅何至今尚未決臣願提兵進討順天道因人心以曲直為老壯以順逆為彊弱萬全之效可必錢塘僻在海隅非

用武地願建都上游用漢光武故事親率六軍
往來督戰庶幾將士知聖意所向人人用命

金誅其尚書左丞相高慶裔秋七月尼瑪哈以憂死

初金主召尼瑪哈為相以鄂爾多代守雲中尼瑪哈
遂失兵柄至是博勒郭欲挫尼瑪哈因其所善高慶
裔以贓敗下獄尼瑪哈乞免官為庶人以贖其罪金
主不許慶裔臨刑尼瑪哈哭與之別慶裔曰公早聽
我言豈有今日蓋慶裔嘗教之反也凡尼瑪哈之黨
連坐者甚衆尼瑪哈恚悶絕食縱飲而死

八月召淮西副統制酈瓊赴行在瓊以衆叛降劉豫執
呂祉殺之

時以王德為淮西都統制酈瓊副之瓊與德素等夷
不相下及呂祉還朝德瓊列狀交訴于都督府及御
史臺乃召德還建康而命楊沂中為淮西制置使劉
錡副之往屯廬州祉復至廬州瓊又訟德祉諭之曰
張丞相但喜人向前倘能立功雖大過亦濶畧況小
嫌邪當為諸公辨之保無他虞瓊等感泣事小定祉

乃密奏乞罷瓊兵權書吏漏語于瓊瓊命人遮祉所遣郵置盡得祉所言大怒怒會聞朝廷命楊沂中等為大帥而召已赴行在大懼遂謀叛諸將晨謁祉瓊袖出文書示中軍統制張璟曰諸兵官有何罪張統制乃以如許事聞之朝廷邪祉大驚欲走不及為瓊所執

璟及兵馬鈐轄喬仲福統制劉永衡皆死

瓊遂率全軍四萬人渡淮

降劉豫擁祉北去距淮三十里祉下馬立謂瓊曰劉豫逆賊我豈可見之衆逼祉上馬祉罵曰死則死于

此又諭其衆曰劉豫逆臣爾軍中豈無英雄乃隨酈
瓊去乎衆頗感動凡千餘人環立不行瓊恐搖動衆
心急策馬先渡社遂遇害時有得社括髮之帛歸
吳中者社妻吳氏持帛
自縊以殉葬
聞者哀之于是張浚始悔不用岳飛言飛乞進討
瓊不許詔駐師江州為淮浙援

九月張浚免罷都督府

浚總中外之政幾事叢委以一身任之每奏對必言
讐恥之大帝未嘗不改容涕洟事無巨細必以咨浚

賜諸將詔往往命浚草之及酈瓊叛呂祉死浚因引咎力求去帝問誰可代者且曰秦檜何如浚曰近與共事方知其闇帝曰然則用趙鼎耳浚曰得之矣檜由是憾浚浚遂奉祠而都督府亦罷

以趙鼎為尚書左僕射同平章事兼樞密使

冬十月安置張浚于永州

浚既去位言者論之不已至引漢武誅王恢為比欲遠竄之會趙鼎乞降詔安撫淮西帝曰俟行遣張浚

朕當下罪已之詔。鼎曰：浚母老，且有勤王功。帝曰：功過自不相掩。已而內批出，浚謫嶺南。鼎留不下詰，旦約同列救解。帝怒，未釋。鼎力懇曰：浚罪不過失策爾。凡人計慮，豈不欲萬全？倘因一失，便寘之死地，後有奇謀秘計，誰復敢言者？此事自關朝廷，非獨私浚也。張守亦以為言。帝意解，遂以秘書少監分司西京，永州居住。

李綱聞之，馳奏曰：浚措置失當，誠為有罪。然其區區殉國之心，有可矜者。願少寬假，以責

來效

不報

閏月張俊棄盱眙還建康

十一月金人襲汴執劉豫廢為蜀王立行臺尚書省于汴韓世忠岳飛請收復中原不報

初豫由尼瑪哈高慶裔得立故奉二人特厚烏珠及諸將多憾之豫兵敗藕塘金人欲廢豫及尼瑪哈死岳飛因遣間齎蠟書與豫約同誅烏珠烏珠得書大驚馳白金主于是廢豫之意益決會豫請立麟為太白金主曰徐當咨訪河南百姓豫雖意沮而猶日遣

使乞師南侵至是尚書省奏豫治國無狀金主遂令
達蘭烏珠偽稱南侵以襲之將至汴遣人召劉麟渡
河議事麟至烏珠麾騎翼而擒之遂馳入汴豫方射
講武殿烏珠從三騎突入東華門下馬逼豫出見因
執其手偕至宣德門彊垂以羸馬露刃夾之囚于金

明池翌日集百官宣詔廢之

其詔有曰建爾一邦逮茲八稔尚勤兵戎安用

國為仍以鐵騎數千圍宮門遣小校巡閭巷間宣言曰自今不食汝為軍不取汝免行錢請汝舊主少帝

來由此人

置行臺尚書省于汴

以張孝純權行臺左丞相呼沙呼為汴京

留守李儔副之諸軍悉令歸農聽官人出嫁得金一百二十餘萬兩銀一千六百餘萬兩米九十餘萬石絹二百七十萬匹錢九千八百七十餘萬緡

豫求哀于二帥達蘭謂之曰

昔趙氏少帝出京百姓燃項煉臂號泣今汝廢無一人憐者汝何不自責也豫語塞十二月與家屬徙臨潢岳飛奏乘廢豫之際擣其不備長驅以取中原韓世忠亦上疏言機不可失請全師北討皆不報

十二月王倫還自金復遣之

倫將還達蘭送之曰好報江南自今道塗無壅和議

可成倫至言金人許還梓宮及太后且許歸河南地
帝喜曰若金人能從朕所求其餘一切非所較也逾
五日復遣倫奉迎梓宮于金

金以烏頁為尚書左丞同平章事

烏頁好學問平汴京還惟載書數車既掌修國史

在事


天會六年採摭遺言舊事自始祖以下十帝締為三卷凡

與契丹往來及征伐諸部密謀秘計悉載無隱詳畧

得體書成賞賚有差

是月金主詔改明年為天眷元年大赦

御批歷代通鑑輯覽卷八十五



總校官進士 臣程嘉謨

校對官編修 臣劉汝蓀

謄錄監生 臣史傳霖